



Universitätsbibliothek Paderborn

**Conversio Peccatoris, Seu Modus quo Peccator
communiter resurget ad justitiam.**

Lefelon, Antoine

Bruxellis, 1675

§. 2. Neque omnes qui pio compunctionis affectu formulas istas legunt,
propterea habent eam quam oportet, paenitentiam & conversionem.

urn:nbn:de:hbz:466:1-9433

qui ejusmodi precatione ad confessio-
nem sese præparant, & tamen interrogati,
aliquo temporali intuitu dicunt se non
posse nec velle ab hoc aut illo delicto ca-
vere? *Sunt nonnulli*, ait S. Gregorius, *qui*
ut fruantur hoc saeculo, transitorie uti volunt Lib. 2. mō.
Deo. Cum enim præesse ac curare res *cap. 9.*
humanas Deum credant, ad hoc ipsum
colunt ut explendis ac saturandis pravis
suis cupiditatibus eis opituletur. Hac in-
tentione (quæ procul dubio perversa
est, & sicut dicit Augustinus, propria *Lib. 15. de*
terrenæ civitatis) possunt, ut Deum *civ. Dei cap.*
placent, confessionem instituere, aut ^{7.}
ejusmodi oratiunculæ lectione contritio-
nis velle actum elicere: an hīc voluntas
non deest, aut hac intentione, quis dice-
re audebit, actum contritionis elici? Vi-
det ergo quomodo dici possit hic deesse
voluntatem.

§. I I.

Neque omnes qui pio compunctionis affectu formu-
las istas legunt, propterea habent eam quam
oportet, pænitentiam & conversionem.

Sed quid dum quis rectâ intentione, id
est, pio compunctus affectu, ut contri-
tionis actum eliciat, ejusmodi orationem

E 2 legit,

legit , autem nunquam deest voluntas ? Ille hoc dixerit qui nescit quām saepe voluntas imperet sibi & non obsequatur . Mi-

L. 8. conf. cap. 9. rabatur id Augustinus : Unde hoc monstrum,

inquit , & quare istud ? imperat animus corpori & paretur statim , imperat animus sibi & resistitur ; imperat inquam , ut velit , qui non imperaret nisi vellet , & non fit quod imperat . Sed non ex toto vult , non ergo ex toto imperat : nam

in tantum imperat in quantum vult , & in tan-

tum non fit quod imperat , in quantum non vult .

Quoniam voluntas imperat ut sit voluntas nec alia sed ipsa , non utique plena imperat , ideo non est quod imperat , nam si plena esset , non imperaret ut esset , quia jam esset . Non igitur mon- strum est partim velle , partim nolle . sed aegri- tudo animi est , quia non totus assurgit veritate sublevatus , consuetudine prægravatus . Et ideo sunt duæ voluntates quia una earum tota non est , & hoc adest alteri quod deest alteri .

Isto ergo modo non paucis dum con- verti incipiunt , ut contritionis actum eli- ciant , ejusmodi contritionis formulam le- gentibus adest voluntas , quia volunt con- teri , sed non conteruntur , quia contra- rio pravo affectu nondum , ut oportet , exuti , non plenè volunt . Ut autem non plenè volunt , neque ex toto con- verti desiderant , ita nec plenè aut ex to-

to

to orant. Oratio enim sequitur desiderium, cuius est interpres: orando quippe petimus quod appetendo desideramus. Et inanis apud Deum est clamor oris, quem non exprimit desiderium cordis: quia ut recte Augustinus, ad cor hominis *In Ps. 119.*
 laures Dei. Quisquis ergo jam surgere seseque ad Deum convertere gestiens, imperfectè id adhuc vult & desiderat, etiam ut id consequatur, imperfectè postulat, ac per hoc non mirum si non illico exaudiatur. Nondum enim, dicebat superius Augustinus, tam perfectè orat hæc anima ut ei dici possit, adhuc loquente te dicam: ecce adsum. Valde autem ipsi præsumtuosum foret se etiam imperfectè, & ut ita dicam, semi-volendo, orantem, statim velle exaudiri, cum præcipue longanimitas & perseverantia orantibus à Salvatore sit indicta, & à quibusdam velit orationis piâ improbitate & clamoris importunitate ad subveniendum cogi.

